



12 Mei 2014  
12 May 2014  
P.U. (A) 126

# WARTA KERAJAAN PERSEKUTUAN

## *FEDERAL GOVERNMENT GAZETTE*

### PERINTAH JALAN-JALAN PERSEKUTUAN (PENGURUSAN PERSENDIRIAN) (PUNGUTAN TOL) (LEBUH RAYA SUNGAI BESI) 2014

### *FEDERAL ROADS (PRIVATE MANAGEMENT) (COLLECTION OF TOLLS) (SUNGAI BESI HIGHWAY) ORDER 2014*



DISIARKAN OLEH/  
PUBLISHED BY  
JABATAN PEGUAM NEGARA/  
ATTORNEY GENERAL'S CHAMBERS

AKTA JALAN-JALAN PERSEKUTUAN (PENGURUSAN PERSENDIRIAN) 1984

PERINTAH JALAN-JALAN PERSEKUTUAN (PENGURUSAN PERSENDIRIAN)  
(PUNGUTAN TOL) (LEBUH RAYA SUNGAI BESI) 2014

PADA menjalankan kuasa yang diberikan oleh seksyen 2 Akta Jalan-Jalan Persekutuan (Pengurusan Persendirian) 1984 [*Akta 306*], Menteri membuat perintah yang berikut:

**Nama dan permulaan kuat kuasa**

1. (1) Perintah ini bolehlah dinamakan **Perintah Jalan-Jalan Persekutuan (Pengurusan Persendirian) (Pungutan Tol) (Lebu Raya Sungai Besi) 2014**.

(2) Perintah ini mula berkuat kuasa pada 15 Mei 2014.

**Pemberikuasaan untuk memungut tol**

2. (1) Besraya (M) Sendirian Berhad diberi kuasa bagi tempoh mulai 15 Mei 2014 sehingga 15 Mei 2040 untuk meminta, memungut dan menyimpan tol yang berkenaan yang dinyatakan dalam ruang (2) Jadual Pertama, bagi penggunaan ke mana-mana arah mana-mana bahagian jalan yang dikenali sebagai Lebu Raya Sungai Besi yang bermula dari kilometer 0.0 laluan utama di Persimpangan Bertingkat UPM di koordinat U332136.086, T414399.924 Grid *Rectified Skew Orthomorphic* (RSO) Geosentrik (GDM 2000) dan berakhir di kilometer 21.9 di Tanjakan Jalan Pandan 1 di koordinat U347116.310, T416241.808 Grid RSO Geosentrik (GDM 2000), kedua-dua jarak diukur dari kilometer 0.0 Lebu Raya Sungai Besi termasuk Persimpangan Bertingkat Balakong, Persimpangan Bertingkat Seri Kembangan, Plaza Tol Mines (Selatan), Persimpangan Kelab Lumba Kuda, Plaza Tol Mines (Utara), Persimpangan Bertingkat Pekan Sungai Besi, Persimpangan Bertingkat Lingkaran Tengah 2, Persimpangan Taman Castlefield, Persimpangan Bertingkat Bandar Tasik Selatan, Persimpangan Bertingkat Kuchai Lama, Persimpangan Bertingkat Salak Jaya, Persimpangan Bertingkat Hubungan Timur-Barat, Tanjakan Salak Selatan, Tanjakan Salak Selatan (Utara), Persimpangan Razak Mansion, Tanjakan Jalan Istana, Persimpangan Bertingkat Ikan Emas, Tanjakan Jalan Loke Yew, Plaza Tol Loke Yew, Tanjakan Jalan Cheras, Tanjakan Shamelin Perkasa, Tanjakan Jalan Perkasa/Jalan

Pandan 1, Tanjakan Jalan Pandan 1, Tanjakan Jalan Indah dan Tanjakan Jalan Pandan Makmur, oleh kelas kenderaan yang dinyatakan dalam ruang (1) Jadual Pertama.

(2) Jalan yang dinyatakan dalam subperenggan (1) yang bagi penggunaannya tol dibenarkan diminta, dipungut dan disimpan ditunjukkan dalam peta dalam Jadual Kedua.

### **Pembayaran tol**

3. (1) Tol yang disebut dalam subperenggan 2(1) hendaklah kena dibayar oleh pemandu kenderaan sebelum memasuki Plaza Tol Mines (Selatan) yang terletak di kilometer 5.5 di koordinat U336875.605, T412414.229 Grid RSO Geosentrik (GDM 2000), Plaza Tol Mines (Utara) yang terletak di kilometer 6.8 di koordinat U338103.094, T412342.797 Grid RSO Geosentrik (GDM 2000) dan sebelum memasuki Plaza Tol Loke Yew yang terletak di kilometer 18.8 di koordinat U345370.897, T414271.099 Grid RSO Geosentrik (GDM 2000).

(2) Seseorang pemandu kenderaan yang menggunakan kad atau peranti elektronik hendaklah melalui lorong tol yang mempunyai suatu mesin pembaca kad atau peranti elektronik, menghampiri mesin pembaca itu dan menyentuhkan kad atau peranti elektronik pada mesin pembaca itu, dan tol yang kena dibayar hendaklah ditolak daripada kad atau peranti elektronik itu.

(3) Seseorang pemandu kenderaan yang menggunakan tag elektronik hendaklah, sebelum melalui lorong tag elektronik yang dikhaskan, mempamerkan tag elektronik atau tag elektronik dengan kad atau peranti elektronik di cermin hadapan kenderaan, dan tol yang kena dibayar hendaklah ditolak daripada tag elektronik atau kad atau peranti elektronik itu.

(4) “Kad atau peranti elektronik” dan “tag elektronik” yang disebut dalam perenggan ini ertinya—

- (a) sesuatu kad atau peranti elektronik dan tag elektronik yang dibenarkan oleh Menteri, yang dikeluarkan bagi maksud pembayaran tol;
- (b) berhubung dengan sesuatu kad atau peranti elektronik, suatu kad atau peranti elektronik yang boleh dibaca oleh mesin pembaca yang dipasang di lorong tol; dan
- (c) berhubung dengan sesuatu tag elektronik, suatu tag elektronik yang boleh menyebabkan palang di lorong tag elektronik yang dikhaskan dinaikkan secara elektronik.

**Pengecualian daripada pembayaran tol**

4. Walau apa pun peruntukan Perintah ini, kenderaan yang dinyatakan dalam dinyatakan dalam Jadual Ketiga dikecualikan daripada pembayaran tol.

**Pembatalan**

5. Perintah Jalan-Jalan Persekutuan (Pengurusan Persendirian) (Pungutan Tol) (Lebuhraya Sungai Besi) 2004 [*P.U. (A) 280/2004*] dibatalkan.

JADUAL PERTAMA  
[Subperenggan 2(1)]

KADAR TOL

| (1)<br><i>Kelas Kenderaan</i>                                                                  | (2)<br><i>Tol kena dibayar (RM)</i>                                  |                           |
|------------------------------------------------------------------------------------------------|----------------------------------------------------------------------|---------------------------|
|                                                                                                | <i>Plaza Tol Mines<br/>(Selatan) dan Plaza Tol<br/>Mines (Utara)</i> | <i>Plaza Tol Loke Yew</i> |
| 1. Kenderaan yang mempunyai dua gandar dan tiga atau empat roda (tidak termasuk teksi dan bas) | 1.30                                                                 | 2.00                      |
| 2. Kenderaan yang mempunyai dua gandar dan enam roda (tidak termasuk bas)                      | 2.60                                                                 | 4.00                      |
| 3. Kenderaan yang mempunyai tiga atau lebih gandar (tidak termasuk bas)                        | 2.60                                                                 | 4.00                      |
| 4. Teksi                                                                                       | 1.30                                                                 | 2.00                      |
| 5. Bas                                                                                         | 1.30                                                                 | 2.00                      |

Bagi maksud mengira bilangan gandar dan roda sesuatu kenderaan, gandar dan roda mana-mana treler yang ditarik oleh kenderaan itu hendaklah termasuk sebagai sebahagian daripada gandar dan roda kenderaan itu.